



*Preparing Career Ready Graduates*

## **BOARD OF EDUCATION**

Keshia Thomas, President  
Valerie F. Davis, Clerk  
Claudia Cazares  
Genoveva Islas  
Elizabeth Jonasson Rosas  
Carol Mills, J.D.  
Major Terry Slatik USMC (Retired)

## **SUPERINTENDENT**

Robert G. Nelson, Ed.D.

### **Message from Superintendent Nelson**

**March 18, 2020**

Nyob zoo. Ntawm no yog nej tus thawj koj hauv tsev kawmntawv, Bob Nelson. Dhau ob peb hnuv no peb lub zej zog muaj kev txhawj xeeb heev, tshwjxeeb rau cov hluas uas nyob deb ntawm lawv cov xibhwb uas muab kev cob qhia zoo, cov tub ntshais kawm ntawv, cov uas pab thiab txhawb txhua txhua hnuv. Thov nco ntsoov tias peb xav ntsoov txog nej, peb hlub nej thiab peb yeej yuav ua txhua yam raws peb lub peevxwm los muab kev txhawb thiab kev pab thaum peb cov tsevneeg nyob rau tom tsev.

Hnuv no, nom tswv hauv nroog Fresno tshaj tawm kom txhua tus nyob hauv zos "nyob tsev" pib thaum ib tag hmo rau 14 hnuv tom ntej. Peb yuav tsum pab thiab ua li peb ua tau kom qhov kab mob COVID-19 txhob kis mus ntshiv, txawm tias peb yuav tsum tso tej yam tseg kom pab tau rau peb lub zej zog los zoo. Tej lus ceeb toom kom peb yuav tsum nyob tsev yog ib qhov peb yuav tsum tau ua thiaj yuav pab tau peb lub zej zog rau tej lub sijhawm uas tsis tau pom dua lis no.

Nomtswv hauv zos qhia tseeb txog cov lag luam tshwj xeeb uas yuav tsum qhib, xws li cov hauv paus tsev kawm ntawv zoo li peb uas tseem yuav npaj zaub mov rau cov menyuam kawm ntawv noj. Pib hnuv Thursday, lub 3 hlis ntuj tim 19, peb yuav xyuav npaj zaub mov rau 18 lub tsev kawm ntawv nyob thoob plaws hauv peb koog tsev kawm ntawv lawm xwb. 18 lub tsev kawm ntawv no yuav muaj yais zaub mov pib thaum 9 teev txog rau 11 teev sawv ntshov txhua hnuv Monday txog Friday. Tagnrho cov chaw yais zaub mov muaj qhia nyob rau Fresno unified qhov website, thiab nyob rau Facebook, Twitter thiab Instagram.

Raws lis peb twb hais tseg lawm—peb yeej txaus siab los pab yais zaub mov rau txhua tus neeg uas tuaj nqa zaub mov li lawv xav tau ntawm peb cov tsev kawm ntawv vim peb ntseeg tias peb lub zeg zoj yeej yuav xav tau kev pab heev nyob rau tej lub sijhawm zoo lis no. Ua tsaug ntau, peb lub xeev tus thawj koj kev kawm ntawv, Tony Thurmond, tau hais hnuv no hais tias, "Ua raws lis koj qhov haujlwm hais kom koj mus ua, ces peb yeej yuav txhawb koj." Npaj zaub mov rau zej zog noj ces yog lis ntawd.

Peb paub tias kev xa thiab yais zaub mov yeej mus tsis tau zoo lis siab xav, tab sis peb yeej yuav ua kom zoo lis peb ua tau rau txhua txhua hnuv. Peb tau yais 4,700 pluas mov noj rau hnuv Monday thaum tab tom los nag, tom qab ntawd, thaum neeg paub txog, peb tau yais 14,400 pluas mov noj rau hnuv Tuesday thiab yais ntau tshaj lis ntawd hnuv no. Peb yuav ua tiag npaj nruab hnuv hmo ntuj kom pab tau nej.

Peb xav kom txhua tus nrog peb koom tes lis no – THOV nqa raws lis cov neeg koj muaj xwb. Thov txhob txhawj thiab khaws zaub mov ntau ntau cia vim cov zaub mov no yog npaj los pub rau peb cov me nyuam uas tsimnyog yuav tau noj. Peb yuav tsis nug thiab yeej yuav muab raws lis qhov nej xav tau, tab sis peb xav kom nej saib tau thiab muaj kev hlub rau peb tib yam lis peb tau ua rau nej. Ua siab ntev, txhob txhawj, thiab qhia qhov tseeb txog qhov nej xav tau.

Kuv paub tias peb yeej paub tsis tau meej txog tej yam ua peb hnov los ntawm tus tswv xeev Newsom nag hmo hais txog tias tej zaum xyov peb puas yuav qhib tau tsev kawmntawv rau xyoo no – yog li peb yeej yuav tsum tau los npaj yog thaum kawg muaj tseeb lis ntawv. Tiamsis, xovxwm pauv thaum twg los yeej yuav muaj, peb tsis tau npaj siab yuav los txiav txim txog ib xyoo kawm ntawv lis no. Kuv yuav qhia rau nej; peb lub xeev tus thawj coj kev kawm ntawv, Thurmond tau qhia tawm hnuv no tias kev xeev hauv lub xeev yuav tsis muaj rau xyoo no. Dhau li ntawd, peb yeej sibtham txhua hnuv txhua hmo txog tias kev kawm ntawv yuav zoo licas rau peb cov menyuam, tshwjxeeb rau cov yuav kawm ntawv tiav rau xyoo no.

Peb pab qhia ntaub ntawv tau ua hauj lwm txhua hnuv txhua hmo los nrhiav kev pab rau cov menyuam kawm ntawv thiab cov niam txiv rau lub tej lub sij hawm uas peb tsis tau pom zoo li no. Hnuv no, peb tso tau ob peb yam kev pab rau kev kawm nyob qib TK rau 12 nyob rau lub District qhov website thiab hauv ATLAS rau cov niam txiv thiab cov tub ntxhais kawm ntawv lub student portal. Cov kev pab muaj xws li Khan Academy, Sora Library App, Wonders, Springboard thiab ntau yam ntxiv. Cov kev pab no yeej yuav muaj ntau ntxiv, tiamsis cov peb qhia tawm hnuv no yeej yuav pab tau rau txoj kev kawm ntawv rau lub sijhawm no.

Ib hnuv twg yav nram ntej nej yuav tau rov qab tuaj kawm ntawv, rov tuaj nrog rau cov thawj xibfwb, cov xibfwb qhia ntawv thiab cov phooj ywg. Peb tsis xav kom peb cov me nyuam kawm ntawv poob qab kiag lis. Cov kev pab no yuav los txhawb txoj kev kawm. Mus uasi, kawm ntawv thiab siv koj lub hlwb. Qhia ntxiv, mus saib Fresno unified lub website nrog rau qhov ATLAS rau menyuam los yog niam txiv portal rau tag nrho cov kev pab kawm ntawv. Rau cov uas tsis muaj Internet, thov nco ntsoov tias peb tseem tab tom nrhiav kev koomtes nrog cov koomhaum xws lis, PBS. Thov saib mus ntxiv vim peb tseem tab tom sib tham txog kev pab rau yav tom ntej.

Hais rau 74,000 cov tub ntxhaiv kawm ntawv nyob hauv tsev, qhia nej paub tias cov xibfwb thiab cov neeg ua haujlwm nco nej, thiab lawv hluv nej. Thaum cov tsev kawm ntawv raug kaw mus ntxiv, nej yeej yuav hnov los ntawm lawv. Peb yuav koomtes uake rau lub sihawm no. Ua ntej no, saib nej tus kheej, ua zoo rau lwm tus thiab nco ntsoov tsis txhob tso kev kawm tseg!